

光緒甲午重刊

滌山縣志

板藏學宮

續修梁山縣志序



江淹有言修史之難無出於志此論史志耳今之府縣志卽周官邦國四方之志掌於小史外史者也目錄家屬之地理蓋史部之支流遽以馬班八書十志目之夸矣顧方志雖不得比於國史而實爲國史要刪通志之所取裁修志不明史法則體旣襍紐文亦闡茸天下惡用此志爲哉宋以來志郡縣者無慮數十家求其雅潔有法不過數家范致能吳郡志典瞻而不蕪雜號稱善本縣志稱絕作者莫如韓五泉之朝邑當時康對山爲

梁山縣志

卷首

序

一

川上川

作序極推重之而王新城獨服膺康志武功以爲第一似武功又出朝邑右余昔由選拔貢於京需次多暇嘗手武功一編繹其綱目義例心竊韙之歎新城爲知言比辛卯冬補官梁山閱其志則嘉慶丁卯知縣符君子田所撰也符志以前無可攷蓋書闕有聞矣同治間艾君鼎臣雖一修之而因陋就簡疏漏仍多厥後張君鷺舫擬延李君我愚孝廉增修卒以卸篆不果然則梁之志斷自符君始符序稱建議時因葺學宮寢其事於丁卯春署開同任學宮落成而志始告竣余甫下車卽思

續符君之緒亦以舉辨學田未遑他顧逾歲學田成咸以嘉惠士林頌余余蹙然曰學田者學校中之一事非有關一方文獻也學田不舉守土者責固難辭卽舉矣而志曠不修坐令一方中文殘獻闕上無以備采風下無以資攷鏡咎又將誰諉會被檄通飭府廳州縣各解志書纂修通志乃屬其薦紳而告之曰縣志舊多疏漏以申大府余滋咎戾庸獨不貽諸君羞乎則僉曰唯命余於是倡捐醵貲奮然秉筆師康氏意舉舊志繁者刪之缺者補之凌雜者鱗魚而排次之廣七篇義例分十

梁山縣志

卷首

序

二

川上

門爲綱領每門又各分條目其藝文康用吳郡志例散附各條今以蒐采較夥別立一門得書十卷四閱月而告成嗚呼以康武功之文簡事覈訓辭爾雅而洪禕存章實齋輩尙與朝邑志同譏則史志難方志亦談何容易乎哉余才學識不逮對山萬一勉綴成書烏知義法體裁果與古人不相悖耶抑重予後人以嗤點也雖然志距艾君之修垂三十年距符君且八十七年於茲矣符志成於葺學宮後今志成於興學田後遙遙百年中其事若有前定焉者余雖不敢自信余又何敢多讓若

夫參以史法訂而正之去蕪雜以歸雅潔使武功志不
得專美於前是有待後之爲康對山者時

光緒二十年歲次甲午梁山縣知縣東湖朱言詩撰

梁山縣志

卷首序

梁山縣志原序

志之作也所從來久矣元和郡縣志元豐郡國志及歷代一統志大都合寰宇言之至一郡一縣之志則視乎有司之搜輯與否未能所在皆有也梁山本漢胸臆縣地後魏分置爲縣宋改爲軍元升爲州明省州入縣山海經稱高粱之山其上多堊其下多砥礪其木多桃枝鉤端則物產也常璩華陽國志稱墊江以西土地平敞精敏輕疾則俗尙也然而特爲一書未之前聞又况十數年來中更兵燹梁山界夔渝間賊蹤所出沒官吏暨

梁山縣志

卷首

原序

一

四百七

鄉閭子弟多講肄武事今卽削平旣久而能於創殘煨燼之餘博訪通人考其分野畛域徵其文獻或有所未遑歟符君子田爲余故人子治於梁有年矣訟平賦均赫赫有政聲公庭多暇都人士與縉紳先生之徒羣彥響臻凡夫故老之所傳者舊之所語稗官家乘之所載靡不摭摭而採擇之積日累勞彙爲此志冠

聖謨於篇首又起星野迄雜識總計十有八卷疑者略信者詳綱舉目張井然大備書成郵寄於余而請爲序余竊觀天下之能事有前人所絕不敢爲而決然爲之者有

他人所必不暇爲而寬然爲之者惟其才博智贍心定
力埶始不憚其難終不辭其瘁故其爲事足以軼倫而
超羣其爲書足以信今而行後符君此志非其尤大彰
明較著者哉且余憶曩時從事干戈鋒鏑中道出於梁
攬其山川風土怒焉神傷此志一出而知其地之休養
生息其官與民之康樂和親宛若目覩用以昭
國家昇平之象邕邊徼熙皞之風慶幸何如耶於其請也
故爲深嘉而亟敘之

嘉慶十三年十二月立春後三日川藩使者姚令儀識

梁山縣志

卷首

原序

二
八

梁山縣志原序

能吏與循吏有異乎曰有異能吏主擊斷工訶刺火烈
難犯使民知畏而已習禮讓之風興廉恥之節擾游馴
擾百姓日遷善而不自知此必久於其職而又不肯以
俗吏自安以漸幾乎古良有司之治求之目前蓋百不
得一二非才之難正歛其才之難也今於符君子田之
輯梁山邑志而竊有幸焉梁山古胸臆地夔渝宣漢往
來必經又山高而林邃往者奸民嘯聚視爲萑苻藪屢
經芟蕪其俗未革符君至立什伍之法有不靖者里邨

梁山縣志

卷首

原序

一

川七

必以告隣邑奸悍闖入者械繫之今既下民不爲盜寇
不入境矣君曰未也民未知恥難與持久乃禮耆老訪
俊彥讀法習射擯儂薄者不得齒於是農安於田士勉
於校向所謂椎埋不逞之徒無所容足邑大治君擊劍
走馬倜儻負奇氣余初識君以能吏許之及廉其治行
乃彬彬有儒者風今秋以所輯邑志見寄蓋喜君能於
簿書鞅掌間與邑士大夫振數十年之墜緒搜微抉隱
勒爲完書而於風教名節之大一編之中尤三致意嗚
呼文章者政教之緒餘也自操觚之士厭棄刀筆吏吏

亦視其官如傳舍猥瓌齷齪若甘心焉其稍異者則又恃其擊斷訶刺之術以爲吾道在是是先薄待其身而因薄待其民迨至其術詘其道窮齷然氣衰不可復振乃始託於一二文人以自解免此卽集高齋之學士廣稗海之叢編其所掇拾皆芻狗耳君之爲此志也樸而不俚簡而能核無意於文而自合體例蓋先有以立乎其大者本固則末茂膏盛則光熾非夫善用其才而力希乎古良有司之治孰能語乎此哉試爲君誦甘棠之詩曰勿剪勿伐召伯所茇又爲君誦大車之詩曰豈不

梁山縣志

卷首

原序

二

川五九

爾思畏子不敢吁治化升降之機視其人之自立何如君聞余言必有莫逆而笑者於其志成樂爲序之論君乎且冀有以蓋余也時

嘉慶十三年歲次戊辰秋八月

誥授中憲大夫四川分巡川東兵備道前戶部山西司員外郎廬江胡稷撰

新修梁山縣志原序

蜀自陳壽耆舊傳李膺益州記常璩華陽國志張唐英蜀檮杌而下代有編輯流傳至今其建置沿革與升降分合雅隨時代爲變遷而山川之險易物產之饒乏學校之盛衰閭閻之豐瘁風俗人物之淳澆臧否戶口庸調之增減盈絀倉儲亭障之出納圮修若列眉指掌志誠未可缺矣惟省志體例稍殊州郡而州郡又酌減於邑志一則職要一則職詳耳梁山名邑也東北有萬開新甯之輻輳西南有忠墊豐都之聯屬走荆襄通雲貴

梁山縣志

卷首

原序

治之東有白兔蟠龍之險治之西有沙河平井之坦向屬夔府今隸忠州洵爲川東之咽喉焉歲癸亥余自彭水調任茲土徧訪邑志不可得說者曰邑經前明兵燹頻仍烟燼之餘簡冊盡成灰燼何有於志乘余爲喟然卽思興修時因學宮傾圮亟宜重修首捐俸以爲之倡經營區畫夙夜不遑工及半而余奉檄署開邑篆辦理軍需至丁卯春仲回梁山任置經費蠲吉興工文廟乃迄於成諸紳士進而言曰廟貌重光使君之力今竊有請修志其不容緩矣余因念我

國家百數十年來久道化成聲教四訖紀載通於寰區梁
邑之志胡以無人建議是余之責歟夫自古及今不改
者星野山川城池之類他如戶賦之日蕃滋也風俗之
日淳樸也文治之日光華也倘付之不見不聞勸懲無
由昭淑慝無由別習俗無由厚而人心無由維也及今
不舉將來聞之耆舊稽之案牘勢且日遠日難此柳州
之論史致嘆於今人讓後人而劉知幾有汗青白頭之
謂乎事非創也奚以爲因稔知我友霞飛瞿君暨治塘
邵君留心此邦之文獻蓋亦有年余爲延聘襄事公餘

梁山縣志

卷首

原序

二

川廿七

則取彙成卷軸者次第損益之閱四月而告成授之剞
劂因思天下事其合也以時其成也以機梁處偏隅以
余承乏舉百餘載所未成書者一旦藉手以竣事邑紳
士當亦樂觀厥成乎鑿荒難而遵塗易後之任纂輯者
此編未必無小補而非敢希蹤於華陽國志蜀檮杌也
時

嘉慶十三年孟夏月知州銜梁山縣知縣甯陵符永培
撰

增修梁山縣志原序

國有史所以重金鑑之資也邑有志所以備輶軒之採也然創於前弗因於後奚以昭明備垂久遠乎蓋星野氣候山川之歷久不變者因之固貴咸宜也而人物風土政教之歷久遞變者因之未可過泥也乙丑春予捧檄蒞南浦閱邑志爲符君子田創修於嘉慶丁卯板朽蛀生計九十餘片擬補刻而增修之竟以賊氛甫靖政務殷繁不果越二載次丁卯屈指創修時已六十年矣使不乘此以增修忽而殘缺忽而廢墜責將焉歸乃甫經

梁山縣志

卷首

原序

一

川七

倡議聞者難之予不禁慨然曰天下事敗於因循成於奮迅苟因循自諉易者亦難若奮迅以圖難者亦易公暇因與予友譜笙宋君藻鮮李君蒐羅載籍摭拾羣言思夫一邑所恃以保固者城池也而礮臺營房有必著所藉以觀禮者祀典也而祀位樂章有必詳所賴以維持者文教也而賓興學田有必錄所託以撫字者循良也而政績治譜有必彰以及科名之士耆耄之英忠義之夫節孝之婦貞烈之女類足以扶氣運正人心厚風俗他如養濟院之矜貧育嬰堂之慈幼棲流所之恤罪

罔不於未備者補之未有者增之夫補其未備固因也
非創也增其未有亦因也非創也且符君創於前子因
於後安知不更有因子於後者以傳無窮哉方今

聖天子文治光昭聲教四訖梁邑赤牛兆瑞白兔呈祥精儲
乎石馬蟠龍秀毓乎金城銅印代生賢哲著作如林復
獲斯志以昭明備垂久遠一旦車來問俗庶生斯土者
不至數典或忘而撫斯土者亦不歎文獻無徵也遂濡
筆而爲之序

同治六年丁卯孟夏知梁山縣事艾鉞撰

梁山縣志

卷首

原序

梁山縣志跋

舊令尹艾君鉞宰梁三載增修縣志俾臻完善功亦偉矣余於丁卯秋仲奉檄攝縣事因得披覽罔弗詳備有尚須考訂者以簿書叢雜未暇握管今逾及瓜之期又五閱月代我者爲石君會昌博學能文修飾之潤色之當屬諸石君余則遜謝不敏焉劉君建祿以都人士方切去思乞余署名冀傳永久自愧德薄能鮮無所表著安得與前之循吏相頡頏因其固請不獲辭爰書數語於簡末以誌雪泥鴻爪云爾

梁山縣志

卷首

原序

同治八年歲次己巳署梁山縣事錢塘吳春煊謹跋

續修梁山縣志目錄

序 原纂序 增修序附

凡例 原纂凡例附

姓氏 原纂姓氏附

輿圖

卷首

聖謨

卷一

星度志

梁山縣志

卷首 目錄

一
一
二
六

卷二

輿地志

沿革
名墓

疆域
義塚

形勝
風俗

山川

水利

古蹟

卷三

上
中
下

建置志

城池
街坊

公署

公所附

津梁

場鎮

建置志

壇廟

建置志

寺觀

卷四

食貨志

戶賦

鹽法

倉儲

雜課

蠲卹

物產

卷五

上
下

學校志 學宮 額名 縣學田 學田局

學校志 書院 義學田 義學 鄉學 卷局 賓興
書籍 儀禮 鄉飲 講約

卷六

武備志 防禦 寨堡 驛遞

卷七

官師志 知縣 教職 縣丞 駐房把總 典史
名宦

卷八

選舉志 進士 舉人 武職 五貢 封典 應例
軍功

卷九

梁山縣志

卷首 目錄

人物志 列傳 大年 列女

卷十

上下

藝文志 疏 序 記

藝文志 銘 引 跋 客問 賦 詩 雜識

續修梁山縣志

凡例

一修志宜據舊志不得妄參已見考舊志輯於嘉慶丁卯
邑經兵燹之餘書籍未備又無明時舊志可徵不無疏
漏雖增修於同治丁卯而因陋就簡亦多缺畧茲於舊
志之缺者補之繁者刪之至裁酌義例必則古昔不敢
以臆斷也

一舊志有目無綱翻閱較難茲仿史家十志之例分十門
以爲綱領一星野二輿地三建置四食貨五學校六武
備七官師八選舉九人物十藝文每綱領冠以總序又
各分條目綴以小序庶綱舉目張眉目較然

梁山縣志

卷首

續修凡例

一
川川八

一志之有圖本古人左圖右書之意列於卷首開卷卽入
披覽但舊志於星野城池祠廟公署均已詳列而邑中
八景闕如亦攬勝者所未恆心也茲悉繪入以昭明備
一武功朝邑靈壽等志專尙簡括武功不紀星野以邑統
於郡無容更贅耳然一地有一定之分野如謂邑統於
郡則梁昔隸夔府旣與府同改隸忠州又與州同究以
何者爲據不敢妄參管見特仍其舊以待後之博辨焉

一志貴詳核朱竹垞日下舊聞例采用各書每條均載原書之名李雨村志羅江亦然法至善也茲從之其有山川形勝名士留題必引之以爲證據者以雙行小字書之俾與藝文志有別並免貽強賓奪主之譏

一城池津梁固有關於政治而神道設教亦先王所不廢故已奉祀典者敬謹書之卽下而琳宮梵宇亦依舊志增入不沒前人善舉也

一史家志食貨亦萌芽班掾地志家實沿其例茲田賦悉遵現行冊卷徵納支銷之增減亦詳顛末倉儲民命之

梁山縣志

卷首

續修凡例

二

川字上

原物產民生之計均與臚陳至鹽課歸丁著錄特詳俾日用飲食者知其原委

一文廟至聖暨先賢先儒歷代尊崇爵諡位列里居固宜詳注而學田書院皆所以培人文儀禮鄉飲亦所以厚風俗仍當備錄不敢以省簡臚至禮樂陳設舊分各類茲統志於學宮之後俾便觀覽

一舊志於寨堡附見場鎮後未免疏畧川楚教匪之亂實由堅辟清野流寇始得盪平梁邑山居十之四同治初粵逆入境亦多設險自固資捍衛以避凶鋒茲臚陳各

寨詳紀道里亦安不忘危意也

一職官第具姓氏里居其有愷悌宜民政聲卓著或大節不辱與城存亡者另予立傳列於名宦後之覽者聞風興起當無忽父母師保之寄云

一選舉人才爲國家之大典卽爲士子之進身然不必盡出科目或應例而由捷徑或從軍而奮戎行

聖朝不限資格皆足供廟廊之用錄之不愈見立賢無方哉
封贈必書重

王章也本黎里志例

梁山縣志

卷首

續修凡例

三
三十一

一志之最宜表彰者尤在人物然必強爲區分寥寥無幾故以列傳該之至節孝年例已符窮簷嫠婦無由上達仍爲增入卽本邑人適他處亦得備書庶松操筠節不至泯沒總括人物之中亦華陽志例也

一藝文倣范石湖吳郡志例除散見各門外有關於邑之風化事實名勝景物者均與采錄惟奏疏關係甚重舊列於文後今特拈出冠諸篇首其不合藝文體者概從刪除

一仙釋本土君子不屑道而志在利民究難湮沒至災祥

互見賊匪迭乘以及俶詭怪奇統附雜識亦張茂先之
博物志劉子政之說苑新序段柯古之酉陽雜俎類也
並蓄兼收用以驗世之博辨者
一此志雖較舊志有增而見聞未及採訪未周仍恐不免
遺漏所賴博雅君子教其所不逮焉

梁山縣志

卷首

續修凡例

四

一〇七

舊志凡例

論語贊堯之則天必云煥乎文章我

朝

聖

聖相承治化愈隆大文彌著

天章遐播載在左史雖非外乘所得書而

聖謨洋洋用祇承於罔斁謹以冠諸篇首

作志家凡建置官師科目類仿年表例爲之是編於此

三門守缺抱殘無由徵信故不敢效顰

梁山縣志

卷首

舊志凡例

五

今絃誦遍天下矣

文廟從祀先賢先儒名號學術宜無不習知第恐數典而

忘爲略序其里居爵諡并樂章祭器

貞節婦女已邀

旌表者俱得立傳更有身處窮約無力闡揚與未符年例者

行義灼然眾所共信亦兼錄以慰苦節

梁邑向屬夔府載於舊府志者寥寥迄今獻既無存文

亦漫滅間得詩歌碑記雖一鱗片甲斷壁碎璣殊可珍

也爲散附於本事之下若篇章之無可隸者則具載藝

文

梁志之曠不修也其在明以前不可知或遭兵燹而鐫版無存乎此係創始故用力倍艱未廣蒐羅猶存崖畧如築室然旣表旣樊而漸可鳩乃事踵事增華所望於博雅之君子

梁山縣志

卷首

舊志凡例

六
斗

續修縣志姓氏

光緒甲午年

纂修

梁山

縣

知

縣

朱言詩

同修

甲子帶補辛酉科舉人花翎三品銜山西候補直隸州知州周紹鑾

壬午

科

舉

人

江濂

癸酉

科

拔

貢

張映景

梁山

歲

貢

生

郭如璋

分修

梁山縣志

卷首

續修姓氏

梁山

縣

教

諭

郭祖謨

分校

梁山

縣

縣

丞

邱保泰

梁山

縣

典

史

李榮慶

督梓

梁山

汛

把

總

陳廷揚

采訪紳士

羅英才

高建基

陳敬亭

譚宗蔚

陳純五

毛治國

李文蔚

彭承德

汪鼎銘

李敦五

梁鶴年

薛煌

古樹屏

施雅南

石國楨

袁爾昌

許獻臣

黃河鯉

唐學紀

熊廷獻

鍾登瀛

楊道生

李龍圖

蔣灼三

易理燮

袁琨

劉堯寬

黃昭珍

秦代楷

張河潤

劉計六

劉襄臣

繕稿

譚明緯

文生

陳朝楷

文生

張曜灃

監生

周邦舉

江毓英

周九齡

畢世澤

張曜仁

梁山縣志

卷首

續修姓氏

二

劉藜青

張其襄

江樹

廖雄

涂應裕

繪圖

候

補

從

九

朱棣華

梓

人

楊炳堃

原纂姓氏 嘉慶十三年

纂修

梁山縣知縣符永培子田

同纂

雲間瞿整霞飛

四明邵整治塘

分修

梁山縣教諭馬維穎射濱

分校

梁山縣志

卷首

原纂姓氏

署梁山縣沙河舖縣丞倪元溥

署梁山縣沙河舖縣丞蔡沅

梁山縣典史張文光

采訪紳士

葉繹唐 袁明誠

沈宗仁 羅元達

杜華國 劉文安

溫于濬 吳承漢

鄧士寬 刁思恭

畢鍾望

秦樹賡

督梓

梁山汎把總楊宗禮

梁山縣志

卷首

原纂姓氏


二

廿七

梁山縣志

卷首 四至圖


二



梁山縣志



卷首 城垣圖

三



梁山縣志

卷首 文廟圖




梁山縣志

卷首

縣署圖

五

高粱聳翠




梁山縣志

卷首

八景圖

海

六



福利鍾文



梁山縣志

卷首

八景圖

七

崖泉瀑布



天子萬年
蜀道難



梁山縣志

卷首

八景圖

八



古洞蟠龍



梁山縣志

卷首

八景圖

九

赤牛
卧月



梁山縣志

卷首

八景圖



十



觀北雲




梁山縣志

卷首 八景圖

十

石馬
歸雲




梁山縣志

卷首

八景圖

三



萬石春耕

梁山縣志

卷首

八景圖



三

梁山縣志卷首

聖謨

康熙十六年州縣大堂

欽頒清慎勤匾額

康熙二十三年 文廟

欽頒萬世師表匾額 雍正四年 文廟

欽頒生民未有匾額 乾隆三年 文廟

欽頒與天地參匾額 嘉慶七年 文廟

欽頒聖集大成匾額 道光元年 文廟

梁山縣志

卷首

聖謨

欽頒聖協時中匾額 咸豐元年 文廟

欽頒德齊疇載匾額 同治三年 文廟

欽頒聖神天縱匾額 光緒七年 文廟

欽頒斯文在茲匾額

康熙十八年 頒

聖諭十六條

敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業

以定民志訓子弟以禁非爲息誣告以全善良誠匿逃以
免株連完錢糧以省催科聯保甲以弭盜賊解讐忿以重
身命

康熙二十五年 頒

御製孔子贊 并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰溯前徽堯舜
禹湯文武達而在上兼君師之寄行道之聖人也孔子不

梁山縣志

卷首

聖謨

二
川人々

得位窮而在下秉刪述之權明道之聖人也行道者勳業
炳於一朝明道者教思周於百世堯舜文武之後不有孔
子則學術紛淆仁義湮塞斯道之失傳也久矣後之人而
欲探二帝三王之心法以爲治國平天下之準其奚所取
衷焉然則孔子之爲萬古一人也審矣朕巡省東國謁祀
闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書

刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勗哉令圖溯源
洙泗景躅唐虞載厯庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

康熙二十八年 頌

梁山縣志

卷首

聖謨

三

川一川

御製顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮約四代治法兼備用行舍藏
王佐之器

御製曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂承統緒
修明訓辭

御製子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

御製孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

卧碑順治九年 頒示學宮康熙四十一年 頒

御製訓飭士子文

梁山縣志

卷首

聖謨

四

三卅川

國家建立學校原以興行教化作育人材典至渥也朕臨
馭以來隆重師儒加意庠序近復慎簡學使釐剔弊端務
期風教修明賢才蔚起庶幾棧樸作人之意乃比年士習
未端儒效罕著雖因內外臣工奉行未盡善亦由爾諸生
積錮已久粹難改易之故也茲特親製訓言再加警飭爾
諸生其敬聽之從來學者先立品行次及文學學術事功
源委有敘爾諸生幼聞庭訓長列宮牆朝夕誦讀甯無究
心必也躬行實踐砥礪廉隅敦孝弟以事親秉忠貞以立
志窮經考業勿雜荒誕之談取友親師悉化僇盈之氣文

章歸於醇雅毋事浮華軌度式於規繩最防蕩軼子衿佻
達自昔所譏苟行止有虧雖讀書何益若夫宅心弗淑行
已多愆或蜚語流言脅制官長或隱糧包訟出入公門或
唆撥姦猾欺孤凌弱或招呼朋類結社要盟乃如之人名
教不容鄉黨弗齒縱倖脫褫扑濫竊章縫返之於衷能無
媿乎况乎鄉會科名乃掄才大典關係尤鉅士子果有真
才實學何患困不逢年願乃標榜虛名暗通聲氣夤緣詭
遇罔顧身家又或改竄鄉貫希圖進取囂凌騰沸網利營
私種種弊端深可痛恨且夫士子出身之始尤貴以正若

梁山縣志

卷首

聖謨

五

×〇×

茲厥初拜獻便已作姦犯科則異時敗檢踰閑何所不至
又安望其秉公持正爲國家宣猷樹績膺後先疏附之選
哉朕用嘉惠爾等故不禁反復惓惓頒茲訓言爾等務共
體朕心恪遵明訓一切痛加改省爭自濯磨積行勤學以
圖上進國家三年登造束帛弓旌不特爾身有榮卽爾祖
父亦增光寵矣逢時得志甯俟他求哉若仍視爲具文玩
愒勿傲毀方躍冶暴棄自甘則是爾等冥頑無知終不能
率教也旣負栽培復干咎戾王章具在朕亦不能爲爾等
寬矣自茲以往內而國學外而直省鄉校凡學臣師長皆

有司鐸之職者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

雍正元年正月初一日 頒

御製諭知州知縣文

朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛爲先務周察部屋綏輯鄉里

梁山縣志

卷首

聖謨

六
三
八

治行果有其實循卓自有其名非內聚賄而外干譽謂之名實兼收也全省吏治如作室然督撫其棟樑也司道其垣墉也州縣其基址也書云民惟邦本本固邦甯夫所以固邦本者在吏治而吏治之本在州縣苟州縣之品行不端猶基不立則室不固庸有濟乎哉

皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思纘

皇考之治功惟爾州縣諸臣俱有父母斯民之責其爲朕立之
基址以固邦本焉誠能潔已奉公實心盡職一州一縣之
中興仁興讓教孝教忠物阜民安刑清訟簡朕將升之朝
中以作股肱如或罔念民瘼恣意貪婪或朘削肥家或濫
刑逞虐或借刻以爲清或恃才而多事或諂媚上司以貪
位或任縱胥吏以擾民或徇私逞欲以上虧國帑王章具
在豈爾貸歟更有任州縣時私肥已橐而漫云且俟顯要
方正名節者其與初市清名晚而改操之人何以異哉至
梁山縣志

卷首

聖謨

七

三十三

於錢糧關繫尤重絲毫顆粒皆百姓之脂膏增一分則民
受一分之累減一分則民沾一分之澤前有請暫加火耗
抵補虧空帑項者

皇考示諭在廷不允其請爾諸臣其聞之矣今州縣火耗任意
加增視爲成例民何以堪乎嗣後斷宜禁之或被上司察
劾或被科道糾察必從重治罪決不寬貸夫欲清虧空之
源莫如節儉正直節儉則用無不足正直則上官不可干
以私若朘小民之生以飽上官之貪欲冒不測之罪以快
一時之奢侈豈砥礪廉隅爲民父母之道乎爾州縣等官

其恪共乃職勿貽罪戾毋謂地遠官卑朕不及察其賢否也特諭

雍正元年

諭老農

朕惟四民以士爲首農次之工商其下也漢有力田孝弟之科而市井子孫不得仕宦重農抑末之意庶爲近古士子讀書砥行學成世用國家榮之以爵祿而農民勤勞作苦手胼足胝以供租賦養父母育妻子其敦龐淳樸之行豈惟工賈不逮亦非不肖士人之所能及雖榮寵非其所慕

梁山縣志

卷首

聖謨

八
川

而獎賞要當有加其令州縣有司擇老農之勤勞儉樸身無過舉者歲舉一人給以八品頂帶榮身以示鼓勵

雍正元年六月

詔頒五王封冊

賜 肇聖王冊文曰右文稽古思統緒之相承重道尊師溯淵源於自遠舉千秋之曠典蘋藻維馨超五等之崇封絲綸式煥緬維

先師孔子之五世祖木金父公系本殷朝居從魯國治維尙質傳樸素之舊風貴而彌恭守謙和之家法積功累行聿

宏毓聖之基貽慶鍾祥遂極生民之盛朕初登大寶欽想
前規欲伸景仰之誠用議顯揚之制特追封爲肇聖王錫
之冊命於戲克昌厥後永立人倫之宗有開必先並膺素
王之號服茲嘉命垂示無窮

賜 裕聖王冊文曰道高聖域宜推師表之原恩浹儒宗用
廣尊崇之典擬王封而晉秩禮軼古今定鴻號而加稱榮
增洙泗緬維

先師孔子之高祖祈父公系出商宗望隆宋國姓分公族爲
孔氏之再傳瑞啟聖人逮宣尼而間出溯淵源於累葉知

梁山縣志

卷首

聖謨

九

德盛而世昌鍾靈秀於一人實教尊而功溥朕羹牆至聖
寤寐前徽思敬禮之加隆必恩綸之及遠特追封爲裕聖
王錫之冊命於戲袞衣端冕視躬桓蒲穀而彌尊春禴秋
嘗與鳧繹龜蒙而並久膺茲寵命永荷鴻庥

賜 詒聖王冊文曰聖人覺世道有開而必先王者尊師禮
必隆於所自備顯揚之典用煥千秋申嚮往之誠特超五
瑞緬維

先師孔子之曾祖防叔公殷朝賢裔魯國儒宗潛德彌彰守
高曾之規獲詒謀自遠蘊詩禮之淵源聿開天縱之能四

科立教爰啟時中之聖一貫傳心朕寶厯初膺前徽是式
溯儀型而景仰加名號以褒崇特追封爲詒聖王錫之冊
命於戲俎豆常新峻秩與尼山並峙絲綸誕賁恩光共洙
泗長流永荷崇加昭垂無斁

賜 昌聖王冊文曰化民善俗道首賴乎師資積行累功誼
應推夫祖德閱再傳而誕聖垂裕詒謀超五等以加封創
興盛典緬維

先師孔子之祖伯夏公東山毓秀泗水鍾靈生秉禮守義之
邦漸摩既久奉崇信尊賢之訓曠迪尤深集慶在躬早兆

梁山縣志

卷首

聖謨

十
川

四科之教克昌厥後遂開萬世之蒙朕寶厯初膺景行彌
切推降祥之有自念賢號之宜加特追封爲昌聖王錫之
冊命於戲溯尼山之世澤茂績丕昭崇闕里之家聲斯文
益振服茲嘉命永式光榮

賜 啟聖王冊文曰達天盡性溯道統之攸傳崇德報功體
孝思之不匱惟誕生夫睿哲遂永樹乎師模用賁徽章特
升峻秩緬維

先師孔子之父叔梁公望重魯邦業傳鄒邑秉姿勇毅垂史
傳之盛名積慶攸長衍家庭之令緒感殊祥於闕里兆啟

素王徵靈應於尼山運鍾至聖粵從前代顯贈上公茲當
纘緒之初更議推恩之典特追封爲啟聖王錫之冊命於
戲澤惟裕後聿宏作述之規善則歸親宜加尊榮之禮儀
型如在嘉命是承

雍正二年

御製聖諭廣訓序

書曰每歲孟春道人以木鐸徇於路記曰司徒修六禮以
節民性明七教以興民德此皆以敦本崇實之道爲牖民
覺世之模法莫良焉意莫厚焉我

梁山縣志

卷首

聖謨

十一

川文子

聖祖仁皇帝久道化成德洋恩普仁育萬物義正萬民六十年
來宵衣旰食祇期薄海內外興仁講讓革薄從忠共成親
遜之風永享昇平之治故

特頒上諭十六條曉諭八旗及直省兵民人等自綱常名教之
際以至於耕桑作息之間本末精粗公私鉅細凡民情之
所習皆

睿慮之所周視爾編氓誠如赤子

聖有謨訓明徵定保萬世守之莫能易也朕續承大統臨御兆
人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉先志以啟後人使羣黎百姓家諭而戶曉也願爾兵民等仰體聖祖正德厚生之至意勿視爲條教號令之虛文共勉爲謹身節用之庶人盡除夫浮薄囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

梁山縣志

卷首

聖謨

三

川又又

雍正四年

諭教士子責成學臣教職

爲士者四民之首一方之望凡屬編氓皆尊之奉之以爲讀聖賢之書列膠庠之選其所言所行俱可爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患

不復古耶朕觀今日之士子雖不乏閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之書矣士習不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚

梁山縣志

卷首

聖謨

三

×01

列諸生之劣跡請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆嚮風而慕義革薄而從忠故特簡督學之臣慎重學臣之職欲使自上而下端本澄源以收實效也凡爲學臣者務使持公秉正宣揚風化於教官之稱職者卽

加薦拔溺職者卽行參革爲教官者訓誨士子悉秉誠心
如父兄之督課子弟至於分別優劣則至公至當不涉偏
私如此各盡其道則士子人人崇尚品詣砥礪廉隅且不
但自淑其身而羣黎百姓日間善言日觀善行以生其感
發之念風俗之不變庶幾其可望也特諭

雍正五年

御題聖廟四配匾額顏子匾曰德冠四科曾子匾曰道傳一
貫子思子匾曰性天述祖孟子匾曰守先待後又
御題閔子匾曰躬行至孝仲子匾曰聖道干城

梁山縣志

卷首

聖謨

古

川川上

乾隆二年十二月奉

上諭從來倫常爲風化之原孝行乃倫常所繫惟褒旌示勸
斯能有美必彰而採訪維勤遂使無微不錄今四川忠州
梁山縣孝子葉宗藩孝友性成倫常克盡應宜旌表著川
撫知照地方官給銀舉行建坊入廟刻碑用以諷世特諭

乾隆五十三年 頌

御製雞雛待飼圖墨刻

待飼摩李畫吾心重念之設如歉歲值誰救小民飢獨我
誠深懼諸臣願共思子輿舉稷語應各慎攸司駕

名流集藻畫冊中李廸雞雛待飼圖惻然有懷於災壤飢民之無救也因摹其畫卽用廸題畫韻成什命泐石以示爲民父母之官題李詩並書於左

雙雛如仰望其母竟何之未解東場啄誰憐空腹飢展圖一絜矩觸目切深思災壤民待哺慎哉羣有司

嘉慶五年 頌

御製邪教說墨刻

仁育義正

先聖王以道德仁義禮樂政刑裁成輔相化育萬方使民

梁山縣志

卷首

聖謨

五

川大

日趨於正道恐爲邪說所惑也自二氏行於中國始有釋教道教之名因其說亦皆吾儒所撰大旨亦精微元妙勸人爲善戒人爲惡輔翼王化無大差謬是以聖帝明王姑存此類不加沙汰至於白蓮教之始則爲騙錢惑眾假燒香治病爲名竊佛經仙籙之語衣服與齊民無異又無寺宇住持所聚之人皆失業無賴之輩所以必流爲盜賊是又僧道之不若矣然天下之大何所不有苟能安靜奉法卽燒香治病原有惻怛之仁心在朝政之所不禁若藉此聚眾弄兵漸成叛逆之大案則王法之所不容故查拏之

始原因謀逆之一二人如劉松宋之清劉之協首犯耳劉松宋之清皆已伏法並未株連而劉之協自扶溝脫逃所緝者仍此一犯而地方官有奉行不善者有苛求圖利者胥役衙書四出滋擾閭閻無賴借事吹求將正犯反置於不問妄拏無辜名曰欲辦白蓮教以致羣起於襄陽由豫入陝而川省達州徐添德王三槐亦乘時蠢動互相勾結自此遂東奔西竄疲我官兵害我良民傷心慘目實難備書現今賊營中非盡教匪也亂民乘勢圖劫掠耳夫官軍所誅者叛逆也未習教而抗拒者殺無赦習教而在家持

梁山縣志

卷首

聖謨

夫

XOL

誦者原無罪也卽如劉之協雖爲白蓮教教首其未謀逆以前若俯首就擒其罪僅止發遣耳脫逃後至湖北糾約姚齊二逆併同教人等定於辰年辰月辰日辰時起事是真叛逆斷不可赦矣起事後伊又潛住豫省漏網七年之久若從此安靜匿藏原可倖免孰意又糾約李傑等由寶邠起事此由罪大惡盈天神共憤使之自投法網得正憲章豈人力哉故白蓮教與叛逆不同乃顯而易見之理設若賊營中有一二僧道豈盡行沙汰二氏乎有一二生員豈遂廢科舉之典乎然則白蓮教爲逆者法在必誅未謀

逆之白蓮教豈忍盡行勦洗耶白蓮教與叛逆不同之理
既明則五年以來所辦理者一叛逆大案也非欲除邪教
也然聚眾歛錢終流爲不靖是在良有司實心訓導宣揚
正學漸仁摩義蹈矩循規化其暴戾易俗移風庶幾世臻
小康民安本業朕實有厚望焉

嘉慶十年 頌

御製勤政殿記墨刻

我

皇考於理事正殿皆顏勤政誠以持心不可不敬爲政不可不

梁山縣志

卷首

聖謨

七

川川文

勤也六十餘年

身體力行垂教後嗣子孫臣庶觸目警心知所效法永保無
疆之庥常警怠忽之念予小子敬承大業夕惕朝乾無時
或懈蓋天下至大惟日孜孜恆恐不及若聽政不勤或勤
而不加審察則叢脞隨之流弊滋甚矣夫敬爲勤之本唯
敬勝怠心主於敬則無時不提撕警省所謂清明在躬氣
志如神遇事洞燭見理精詳雖克勤而不覺其勞無所用
其勉強從容中道心主於敬之功效也自天子以至於庶
人皆以敬勤爲立身之本君勤則國治怠則國危臣勤則

政自理怠則政不綱爲學不勤則學業無成力農偶怠則田功必棄以至工商賤業事雖異而理則同也然勤勝怠人所同知彼好逸厭勞者皆心不能主於敬故不勝怠惰之念耳我朝

家法無一日不聽政臨軒中外臣工內殿進見君臣無間隔睽違上下交泰民隱周知視前明之君深居大內隔絕臣工竟有不識宰相之面者相去奚啻霄壤朕承

考訓曷敢忘敬勤曷敢耽逸樂一日二日萬幾至繁且重內而

六部九卿外而直省大吏誠能夙夜在公存心匪懈各勉

梁山縣志

卷首

聖謨

六

川川一

敬勤匡予不逮眾志成城何患不治乎若心存懈怠身耽安逸惟知尸祿保位國計民生漠不動念則政事廢弛其害可勝言哉故書此記於殿壁旣以自戒兼告諸臣庶幾永持此敬勤不怠之志仰副我

皇考垂示後人立身圖治之大經大法期共勉以毋忘是予之至願也謹記

嘉慶十二年 頌

御製明慎用刑說墨刻

道德齊禮聖王垂教之本意也齊之以刑聖王不得已之

苦心也代天子民者君也爲人君止於仁止之義蓋言一切用人行政除暴去殘皆仁心所流露也君爲眾父億兆皆吾赤子豈不欲其生而必欲置之絕地哉誠以良莠不同干名背義作奸犯科之徒非刑不能齊之耳而用刑之大旨不外乎明慎明者知其事之原委察其情之真僞兩造旣備虛衷聽斷如日之光不遺幽暗犯法者甘心認罪受害者了無嗔怨此明之功效也慎者胞與爲懷豈可任其殘賊哀矜勿喜一死不能復生一字無虛始可定案片言不實勿厭重推總欲吾心毫無疑竇則情真法協如衡

之平焉有輕重倒置此慎之功效也我朝立法至爲詳備凡一罪囚必經數次覆勘始定爰書在官者皆得預議至於情實重犯尙候勾到有一綫可寬者改入可緩視前代設鎮撫司習用非刑草菅人命者眞天淵之隔矣人心曰流曰下犯法者多案牘紛繁詐僞百出問刑有司憚於聽訟漸至潦草隨意不能虛衷延納反覆推求遂令奸詭者漏網懦弱者罹罪健訟者逞刁覆盆者難雪皆不能明慎之所致也朝審爲恤刑大典誠兼聽並觀盡美盡善之良法在京則大學士九卿科道在直省則督撫藩臬司道公

同會議雖古之明目達聰何以踰此哉奈奉行已久視爲
泛常旅進旅退無聲無臭覲顏謂毫無冤抑罪當情眞間
有一二敢言之臣以從緩改實加重辦理爲認眞益增秋
肅之氣反失春生之旨所謂北轅適越相去益遠矣夫明
生於公公則無私無私始能明慎由於勤勤則不怠不怠
斯能慎嗚呼凡百有位皆以明慎爲用公勤爲體庶幾辟
以止辟以馴至於刑期無刑鼓太和之元氣臻斯世於大
同遇可言之時行有爲之績予一人實有厚望焉

謹按志所以記事也記之大者莫如典章自古帝王綸
綍所宣咸有神於人心世道而鴻編之輝耀從未有盛

梁山縣志

卷首

聖謨

三

川三六

於我

朝者文思光被有典有則恭述以冠卷首凜

聖訓昭

皇仁穆然見

謨烈之盛焉不敢弁以小序謹附識於後

加知州銜梁山縣知縣臣符永培恭錄